


Masjid Bangi (1926)

Dirujuk oleh

- [Kampung Bangi \(1870-an\)](#)

Perihal



Perihal lokasi Masjid Bangi: *"Kampung ini terletak disepanjang jalan dari Pekan menghala ke Batu 6, di mana juga terletak Masjid Bangi. Dalam rekod pejabat Tanah Daerah Ulu Langat pada 1913 terdapat 30 rumah penduduk di kawasan ini semasa itu. Pada sekitar 80 - 90 an terdapat hanya lebih kurang 25 buah rumah sahaja disini walau bagaimanapun sejak awal 90an projek Rel Berkembar mengambil semula tanah hak milik KTM, penduduk asal terpaksa membina kembali rumah baru dan berpindah ke Kg.Bangi, Kg.Bahagia dan Bt.6."*

(Sumber: [Faizal Hj Zainal](#), September 14, 2008:

"[Sejarah Bangi](#)").

Kronologi

1913: Perihal Perkampungan di Sekitar Tapak Masjid Bangi




"Sebuah rumah tua di Kg.Masjid Bangi sekitar tahun 1986, wajah 40 tahun nan lalu."

"Catatan tentang Kampung Masjid Bangi yang awalnya merupakan sebahagian Kampung Bangi juga seperti mana dicatat pada tahun 1913, sebelum penempatan ini kemudiannya di gazetkan sebagai tanah Sanitary Board dan Bangi Railway Reserve pada tahun 1906. Dicatatkan pada file 'Bangi Village' tahun 1913 itu terdapat lebih daripada 30 rumah terdapat di kawasan ini. Jadi munasabahlah kenapa Masjid Kariah Bangi dibangunkan di kawasan ramai penduduknya selain lokasinya yang strategik dekat dengan jalan utama, sumber air dari Sungai Bangi dan juga Pekan Bangi."

(Sumber: Facebook Pekan Bangi, 26 Januari 2026: "[Nostalgia Bangi](#)").

MAKLUMAT LANJUT: [Kampung Masjid Bangi \(1913\)](#)

1919: Permohonan Tanah Masjid



"Tapak Masjid Bangi 1919. Masjid Kariah Bangi dibangunkan di tanah yang dimohon secara rasmi pada pentadbiran British Selangor pada Januari 1919 dan tanah yang berkeluasan 1 acre 7 perches tersebut hanya memperolehi kelulusan dan digazetkan sebagai tapak rizab masjid pada 10 Disember 1929 iaitu hampir 10 tahun setelah permohonan dibuat." (Faizal Zainal @ Facebook Pekan Bangi, 23 Mac 2025:

"Tapak Masjid Bangi 1919").

1924-1926: Pembinaan Masjid Bangi

Pembinaan masjid: "Lebai Zakaria bin Lebai Tandan merupakan Imam pertama dan pengasas Masjid Bangi pada tahun 1926. Namun tiada tarikh yang jelas dan rekod rasmi yang dijumpai setakat ini berkenaan tarikh dan masa pembinaan masjid ini. Menurut arwah nenek admin beliau melihat orang memasang atap di Masjid Bangi (mungkin dalam pembinaan) pada sekitar tahun 1924. Walau bagaimanapun dalam rekod rasmi tapak tanah Masjid Bangi telah dimohon lebih awal kepada Pentadbiran British Selangor pada Januari 1919 dan tanah yang berkeluasan 1 acre 7 perches tersebut memperolehi kelulusan dan digazetkan sebagai tapak rizab masjid pada 10 Disember 1929 iaitu hampir 10 tahun setelah permohonan dibuat. Dalam rekod lama ada juga dicatatkan telah ada surau di kawasan tapak tersebut sebelum penduduk Bangi memohon tanah tersebut pada tahun 1919. Catatan ajaizainal Sept.2025" (Faizal Zainal @ Facebook Pekan Bangi, 9 September 2025: "Masjid Pertama di Bangi").



"Masjid Bangi sekitar pertengahan 1950-an" (**Kiri:** Gambar asal: [Faizal Hj Zainal](#), September 14, 2008:

|
"Sejarah Bangi"); **Kanan:** Gambar diperbaiki: Faizal Zainal @ Facebook Pekan Bangi, 9 September 2025: "Masjid Pertama di Bangi").

Makam Pengasas Masjid di Kampung Sungai Buah



"Kelmarin min berkesempatan menziarahi pusara moyang min di Tanah Perkuburan Kg. Sungai Buah.. Inilah pusara Allahyarham Lebai Zakaria bin Lebai Tandan, pengasas Masjid Kariah Pekan Bangi & Isteri Allahyarhamah Teh Tot binti Basir. Al-Fatihah" (Facebook Pekan Bangi, 2 April 2025: "[...pusara Allahyarham Lebai Zakaria bin Lebai Tandan](#)").

1926: Pembukaan Sekolah Ugama Bangi



"100 Tahun Sekolah Agama Bangi

Sekolah Ugama Bangi yang kini lebih dikenali sebagai Sekolah Rendah Agama Pekan Bangi genap mencecah usianya 100 tahun pada tahun ini sejak penubuhannya pada tahun 1926. Sekolah ini merupakan institusi pendidikan Islam terawal ditubuhkan di Bangi. Dikisahkan bahawa Pengetua pertamanya adalah Arwahyarham Lebai Zakaria Lebai Tandan yang juga merupakan Imam Masjid Bangi pada waktu itu.

Bangunan Sekolah Agama Bangi ini asalnya dibangunkan berdekatan Masjid Bangi (sekarang Tadika Kemas Pekan Bangi) sebelum pada pertengahan 80an berpindah sementara ke blok bangunan lama Sekolah Kebangsaan Bangi disebabkan bangunan lama tidak dapat lagi menampung kapasiti jumlah murid pada waktu itu. Kemudian sekali lagi Sekolah Rendah Agama Bangi ini berpindah secara tetap di bangunan barunya yang dibina lengkap berdekatan dengan Kg. Bahagia Bangi hingga ke hari ini.

Dalam rekod pada tanggal 17. 7 .1925 surat permohonan daripada Raja Haji Abdullah iaitu Setiausaha Jabatan Pelajaran Ugama Islam Selangor telah diutus kepada Sec.Resident Selangor mengenai makluman permohonan perlantikan Guru Besar untuk Sekolah Ugama Bangi yang dijadualkan akan mula berkhidmat pada sesi persekolahan tahun 1926.

Dinyatakan juga dalam surat berkenaan gaji guru besar adalah sebanyak 20 ringgit sebulan. Dianggarkan sebanyak 40 kanak - kanak sekitar Bangi akan masuk belajar pada tahun berkenaan di sekolah ini yang dibina bertentangan dengan Balai Polis Bangi.

- Foto sekitar pertengahan tahun 1950an. Semua Ketua Kampung - Kampung di Bangi - Kg. Bangi, Kg. Sg. Buah, Kg. Batu 5 , Kg. Rinching Hilir , Kg. Sg. Kembung, guru - guru SKB, wakil Polis, Telekom, LLN dan kaum bapa hadir dalam foto yang dirakamkan di hadapan bangunan lama Sekolah Ugama Bangi (kini Tadika Kemas Bangi).

** Mohon juga Tuan/ Puan untuk komen info - info berkaitan sejarah Sekolah Agama Bangi ini agar dapat membantu catatan sejarah ini lebih lengkap dan tepat."*

(Sumber: Faizal Zainal @ Facebook Pekan Bangi, 15 Mei 2026: "[Jejak Sejarah Bangi](#)").



"Kelihatan Masjid Kariah Bangi & Sekolah Agama Bangi, dua institusi agama yang tertua di Bangi yang telah dibangunkan sejak 100 tahun (1926 - 2026) yang lalu." (Faizal Zainal @ Facebook Pekan Bangi, 6 Februari 2026: "[Nostalgia Bangi](#)").

1928-06-25: Pewartaan Tanah Rizab Masjid

Pewartaan tanah rizab Masjid Bangi, seluas 1 ekar ([Arkib Negara 1957/0256988W](#), 25/06/1928:

|
"RESERVATION OF ONE ACRE OF STATE LAND AS A MOSQUE RESERVE AT BANGI VILLAGE").

Tarikh pewartaan lain: 10 Disember 1929: "Tapak Masjid Bangi 1919. Masjid Kariah Bangi dibangunkan di tanah yang dimohon secara rasmi pada pentadbiran British Selangor pada Januari 1919 dan tanah yang berkeluasan 1 acre 7 perches tersebut hanya memperolehi kelulusan dan digazetkan sebagai tapak rizab masjid pada 10 Disember 1929 iaitu hampir 10 tahun setelah permohonan dibuat." (Faizal Zainal @ Facebook Pekan Bangi, 23 Mac 2025:

|
"Tapak Masjid Bangi 1919").

1948: Anak-Anak Bangi di Kampung Masjid



Kiri: "Kanak -Kanak Bangi -sekitar 1948" ([Faizal Hj Zainal](#), September 14, 2008:

["Sejarah Bangi"](#)). "Antara anak anak BANGI 1940 an..Mak pun dah usia 80lebih..Mak gambar depan 2 Dari kanan" - Firdaus Aus Zainal (FB Pekan Bangi, 13 September 2024:

["Catatan Sejarah Awal Sekolah Kebangsaan Bangi. Sempena Ulang tahun ke 100."](#) (Ruangan komen)).

Kanan: "Foto lama ini yang ditangkap pada 78 tahun nan lalu di laman sebuah rumah di Kampung Masjid Bangi semasa 3 tahun setelah tamatnya era Perang Dunia Kedua dan bermulanya era Darurat di Tanah Melayu pada tahun 1948. Salah seorang budak perempuan dalam foto ini menyambut hari jadinya yang ke 83 tahunnya pada hari ini. Foto tahun 1948 - diwarnakan semula." (Faizal Zainal @ FB Pekan Bangi, 15 Februari 2026: ["Nostalgia Bangi"](#)); "Kelihatan sekumpulan anak - anak Bangi bergambar bersama pada tahun 1948 iaitu tahun bermulanya Darurat di Tanah Melayu setelah mereka melalui peritnya zaman penjajahan Jepun kemudian berdepan pula dengan ancaman keganasan Komunis. Foto tahun 1948, lokasi Kg. Masjid Bangi." (Faizal Zainal @ Facebook Pekan Bangi, 10 Mei 2025: ["Sejarah Bangi. Foto Anak - Anak Bangi."](#)).


1957-10-07: Sambutan Maulud Nabi



"Maulud Nabi Di Bangi 1957" (**Kiri:** Gambar asal. **Kanan:** Gambar diperbaiki).

"Dalam foto lama yang diwarnakan semula ini memaparkan sekumpulan penduduk Bangi bergambar di perkarangan Masjid Bangi berlatarkan rumah Pak Imam Ustaz Ismail Lebai Zakaria dalam persediaan untuk perarakan Maulud Nabi pada tahun kemerdekaan 1957. Orang - orang lama Bangi seperti Pak Lang Deraman, Cikgu Zainal GB SKBangi, Tok Dagang Amin, Cikgu Nasir Sidi, Buyong Aye, Cikgu Amir, Bujang, Cikgu Nasir Busu dan ramai lagi nampak santai dan ceria dalam foto yang telah berusia 68 tahun ini. Catatan ajaizainal Sept.2025"

(Sumber: Faizal Zainal @ Facebook Pekan Bangi, 5 September 2025: "[Nostalgia Bangi. Maulud Nabi Di Bangi 1957: Bahagian 1](#)").



"Maulud Nabi Di Bangi 1957" (**Kiri:** Gambar asal. **Kanan:** Gambar diperbaiki).

"Di dalam foto lama yang diwarnakan semula ini kelihatan kaum ibu sedang berkumpul, ada yang duduk bersimpuh dan ada yang bersila memangku dan meriba anak masing - masing sambil mendengarkan ceramah di bawah khemah yang sediakan untuk majlis Maulud Nabi di Masjid Bangi. Pada kebiasaannya selepas ceramah diadakan pula jamuan makan untuk semua jemaah yang hadir. Antara kaum ibu yang bertungkus lumus menyiapkan hidangan Maulud Nabi semasa era itu ialah nenek Bibah (isteri Pak Imam), nenek Jinan (nenek admin), Mak Lang Dara Hj. Abas, Sipah Panggung, nenek Minah mak Cikgu Nasir, Mak Long Bibik dan ramai lagi bergotong royong menyiapkan masakan yang belanjanya daripada sumbangan penduduk kampung untuk sebuah majlis yang diraikan setahun sekali ini."

(Sumber: Faizal Zainal @ Facebook Pekan Bangi, 5 September 2025: "[Nostalgia Bangi. Maulud Nabi Di Bangi 1957: Bahagian 3](#)").

(Sumber gambar-gambar asal: [Faizal Hj Zainal](#), September 14, 2008:

"[Sejarah Bangi](#)").

MAKLUMAT LANJUT: [Kampung Bangi: 1957-10-07: Sambutan Maulud Nabi.](#)

1973-02-01: Masjid Kariah Bangi Siap Dibina

"Masjid Kariah Bangi dibina dengan kos siap sebanyak RM 65,616 berbanding kos tender JKR iaitu sebanyak RM68,340. Masjid ini selesai dibina pada 1 Februari 1973, di mana kerja pembinaannya bermula pada 1 Jun 1972 . Syarikat Nawawi Construction, yang beralamat di No.63, Jln. Sg. Kantan, Kajang adalah kontraktor yang bertanggungjawab membangunkan projek masjid baru ini di era kepimpinan Tok Dagang Aminuddin Omar, Imam Lebai Ahmad, Bilal Saad dan YB Sharif Ahmad." (Faizal Zainal @ Facebook Pekan Bangi, 31 Julai 2025: "[Catatan Sejarah Bangi](#)").

"Kos pembinaan Masjid Kariah Bangi yang baru menggantikan bangunan lamanya siap pada 1 - 2 - 1973 adalah sebanyak RM 65,616. Bangunan Masjid ini dibangunkan untuk memuatkan seramai 350 jemaah." (Faizal Zainal @ Facebook Pekan Bangi, 19 Februari 2025: "[Catatan Sejarah Bangi](#)").



Kiri: Masjid Kariah Bangi kini (Jabatan Agama Islam Selangor, 2014: [Masjid Kariah Bangi](#). Pengasas: Allahyarham Lebai Zakaria Bin Lebai Tandan").

Kanan: Menara masjid (Faizal Hj Zainal, September 14, 2008:

"Sejarah Bangi").


Kini

Masjid Kariah Bangi



Masjid Kariah Bangi kini. (**Kiri:** [Faizal Hj Zainal](#), September 14, 2008:

|
"Sejarah Bangi"; Kanan: *"Atuk dan nenek admin bernikah di Masjid ini pada sekitar tahun 1933"*
 (Faizal Zainal @ Facebook Pekan Bangi, 22 Oktober 2025: ["Panorama Bangi"](#))).



Paling Kiri: Menara masjid (Faizal Zainal @ Facebook Pekan Bangi, 4 April 2025: ["Masjid Bangi di pagi 1 Syawal 2025"](#)).

Kiri: Menara masjid (lebih dekat) (Faizal Zainal @ Facebook Pekan Bangi, 31 Julai 2025: ["Catatan Sejarah Bangi"](#)).

Kanan: Menara masjid (ketika hujan): *"Menara Masjid Bangi - wujud sebelum kita mula kenal Menara Dayabumi, Menara Maybank, Menara KL, Menara KLCC & Menara TRX."* (Faizal Zainal @ Facebook Pekan Bangi, 4 Disember 2025: ["sejuk pagi ni..."](#)).

Paling Kanan: Menara masjid (paling dekat) (Faizal Zainal @ Facebook Pekan Bangi, 19 Februari 2025: ["Catatan Sejarah Bangi"](#)).



"Kelihatan Masjid Kariah Bangi & Sekolah Agama Bangi, dua institusi agama yang tertua di Bangi yang telah dibangunkan sejak 100 tahun (1926 - 2026) yang lalu." (Faizal Zainal @ Facebook Pekan Bangi, 6 Februari 2026: ["Nostalgia Bangi"](#)).





“Dulu & Sekarang. Menara Masjid Bangi” (Faizal Zainal @ Facebook Pekan Bangi, 29 Disember 2025: "Dulu & Sekarang").

Laman Utama	1900-1909	1910-1919	1920-1929	1930-1939	1940-1949	1950-1959	1960-1969	1970-1979	1980-1989	1990-1999
Siri Cebisan Sejarah:	Bangi	Gambang	Hutan	Ipoh	Kajang	Kuala Lumpur	Kuantan	Pulau Pinang	Hubungi Kami	

Selain petikan dan sumber yang dinyatakan, rencana ini telah diusahakan oleh TMK Pulasan, di bawah kelolaan Syahrul Sazli Shahrir <sazli@pulasan.my>. Pengakuan penting: Kami bukan ahli sejarah! Sila klik di sini untuk penjelasan lanjut.

From:

<https://bangi.pulasan.my/> - **Cebisan Sejarah Bangi**

Permanent link:

https://bangi.pulasan.my/masjid_bangi

Last update:

2026/09/08 10:17